



# Republika e Kosovës

Republika Kosova - Republic of Kosovo

## Agjencia e Kosovës për Akreditim

Agjencia Kosova za Akreditaciju  
Kosovo Accreditation Agency



Data: 11.02.2019

Ref.: 181/190

Në mbështetje të Nenit 4 dhe 23 të Ligjit për Administratën Shtetërore të Republikës së Kosovës (Nr. 03/L-189, datë 16. 09. 2010), Ligjit për Procedurën e Përgjithshëm Administrative (Nr. 05/L-031, datë 25. 05. 2016), Nenit 7 dhe 15 të Ligjit për Arsimin e Lartë në Republikën e Kosovës (Nr. 04/L-037, datë 29. 08. 2011), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr. 15/2018, datë 28. 09. 2018), Këshilli Shtetërorë i Cilësisë (KSHC), në mbledhjen e 61-të, të mbajtur më 15 dhe 16 janar 2019, mori:

### V E N D I M

- I. Refuzohet kërkesa e Universitetit të Prishtinës “Hasan Prishtina”, Fakulteti Juridik, Nr.1412/18, datë 25.10.2018 për riakreditim të programeve të studimit:
  - E Drejta Financiare, PhD, 180 ECTS.
- II. Ky vendim hyn në fuqi me nënshkrimin e tij.

### Arsyetimi

Universitetit të Prishtinës “Hasan Prishtina”, Fakulteti Juridik (tash e tutje Fakulteti Juridik) ka parashtruar kërkesë (Nr.1412/18, datë 25.10.2018) në Agjencinë e Kosovës për Akreditim për riakreditim të tri programeve të studimit si në vijim: E Drejta Penale, PhD, 180 ECTS; E Drejta Civile, PhD, 180 ECTS, dhe E Drejta Financiare, PhD, 180 ECTS.

Bazuar në nenin 10 të Udhëzimit Administrativ për Akreditimin e Institucioneve të Arsimit të Lartë, Nr. 15/2018, datë 28.09.2018, (tash e tutje UA për Akreditim), KSHC në mbledhjen e mbajtur me 15 dhe 16 janar 2019 ka trajtuar aplikacionin e Fakultetit Juridik, dhe pas analizës së dokumentacionit të stafit akademik bazuar në pikën 1.2 të këtij neni, ku thuhet, “Në përputhje me kërkesat e këtij udhëzimi administrativ, KShC do të bëjë aprovimin e listës së stafit akademik për çdo program të studimit i cili parashtrohet për aplikim nga institucionet e arsimit të lartë. Tabelat e plotësuara në formë elektronike se bashku me deklaratat për angazhimin e stafit akademik përcillen në formë të raportit përmbledhës në mbledhjen e ardhshme të KShC-së për aprovim formal. Raporti përmbledhës për gjendjen e stafit në bazë të të dhënave të dorëzuara nga institucionet e arsimit të lartë përgatitet nga stafi i AKA-së”, erdhi në përfundim se programi i studimit, E Drejta Financiare, PhD, 180 ECTS, nuk i plotëson kushtet ligjore për aprovim nga KShC.

Sipas nenin 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: “Për programet e studimit të cilat shpijnë deri tek marrja e një diplome

shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.

- Për programin e studimit: *E Drejta Financiare, PhD, 180 ECTS*, si bartës të këtij programi Fakulteti Juridik ka paraparë tre persona: Bedri Peci (PhD në Shkenca Juridike), Mejdi Bektashi (PhD në Shkencat Ekonomike), Arben Dermaku (PhD në Shkencat Ekonomike).

Sipas paragrafit të fundit të nenit 26, pika 5.3.4 e Udhëzimit Administrativ për Akreditim, kërkohet që: “për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”. Programi i studimit *Edukim, PhD, ka 180 ECTS*, dhe rrjedhimisht duhet ti ketë të paktën tre persona me gradën akademike PhD, nga fusha e programit të studimit.

Ky program i përket nivelit të doktoratës, dhe përveç kushteve të referuara me lart sipas dispozitave ligjore, në nenit 26, pika 5.3.6 e UA për Akreditim është parapara që: “Për programet e studimit të doktoratës që shpiejnë deri tek marrja e një diplome shkencore *Dr.sc.*, kërkesat për staf akademik janë që për çdo program të studimit, institucioni duhet të ketë të paktën tre (3) staf në marrëdhënie të rregullt të punës me titullin akademik *Prof. Asoc. Dr. Ose Prof. Dr.* nga fusha e programit të studimit”.


Pas verifikimit të dokumentacionit të stafit akademik për këtë program të studimit, u konstatua që Arben Dermaku është PhD në Shkenca Ekonomike, dhe i njëjti ka deklaruar marrëdhënien e rregullt të punës në UP, Fakulteti Ekonomik, e jo në atë Juridik. Kjo konfirmohet edhe me kontratën e personit në fjalë të dorëzuar në AKA (përmes platformës elektronike). Andaj mbi këtë bazë i njëjti nuk mund të jetë bartës i programit *E Drejta Financiare, PhD, 180 ECTS*.

Andaj bazuar në faktet e prezantuara me sipër dhe dispozitat ligjore të sqaruara me lartë, KShC vendosi që në mungesë të stafit të fushës së programit të studimit ta refuzoj aprovimin e aplikacionit për programin e studimit *E Drejta Financiare, PhD, 180 ECTS*.

**Këshillë juridike:** Kundër këtij vendimi pala e pakënaqur mund të paraqitet ankesë sipas nenit 125 dhe 126, të Ligjit për Procedurën e Përgjithshëm Administrative (Nr. 05/L-31, datë 25 maj 2016). Ankesa kundër këtij akti administrativ i dorëzohet organit i cili e ka nxjerr këtë vendim bazuar në nenit 128 të LPPA, në afatin prej 30 nga dita kur pala është njoftuar për aktin administrativ sipas nenit 127 të LPPA.

Vendimi iu dërgohet:

- Universiteti i Prishtinës “Hasan Prishtina”, Fakulteti Juridik;
- MASHT-it;
- Arkivit të AKA-së.

  
\_\_\_\_\_  
Prof. Dr. Gazmend Luboteni  
Kryetar i Këshillit Shtetëror të Cilësisë

